



Broj: 01-50-1-15-30/16
Sarajevo, 24. 5. 2016.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
S A R A J E V O

PRIMLJENO: 08-06-2016			
Organizaciona jedinica	Klasifikaciona oznaka	Redni broj	Broj priloga

3

ZAPISNIK
30. sjednice Predstavničkog doma
Parlamentarne skupštine Bosne i Hercegovine,
održane 24.5.2016.

Sjednica je počela u 10, 10 sati. Prisustvovalo je 38 poslanika.

Odsustvo su opravdali poslanici Monika Tomić, Nikola Špirić i Borislav Bojić.

Sjednici su prisustvovali predsjedavajući i članovi Vijeća ministara BiH, te članovi Tužilaštva BiH, Centralne izborne komisije BiH i Državne regulatorne komisije za električnu energiju BiH.

Iz međunarodnih organizacija sjednicu su pratili predstavnici OHR-a, predstavnici američke, britanske i italijanske ambasade, te predstavnik Ureda visokog predstavnika u BiH, a iz nevladinih organizacija prisustvovao je predstavnik CCI-ja.

Poslovníkom Predstavničkog doma PSBiH predviđeno je postavljanje usmenih poslaničkih pitanja na početku svake prve sjednice Doma u mjesecu. Na prošloj sjednici, održanoj 11.5.2016., odlukom Kolegija Predstavničkog doma u proširenom sastavu, odlučeno je da se postavljanje poslaničkih pitanja u usmenoj formi skine s dnevnog reda te sjednice, jer je sjednica kasno počela (nakon nastavka 28. sjednice PDPSBiH) i nije bio osiguran televizijski prijenos u skladu s članom 167. stav (1) Poslovnika. Postavljanje usmenih poslaničkih pitanja predviđeno je za ovu sjednicu.

Predsjedavajući je dao uvodne napomene. Poslanica Maja Gasal – Vražalica zatražila je da se provjeri da li je neko ovlašten za davanje odgovora na poslanička pitanja u ime predsjedavajućeg Vijeća ministara BiH. Predsjedavajući je konstatirao da niko od prisutnih iz VMBiH nije ovlašten za to. Poslanik Mirsad Mešić imao je poslaničku intervenciju zbog neprisustva predstavnika BHRT-a današnjoj sjednici Doma. Povala se rasprava u kojoj su učestvovali: Mirsad Mešić, Mirsad Đonlagić, Denis Bećirović, Dušanka Majkić i Šefik Džaferović.

Na prijedlog Šefika Džaferovića, s 23 glasa „za“ (iz Federacije BiH 12, iz Republike Srpske 11), osam glasova „protiv“ i šest glasova „suzdržan“, postavljanje usmenih poslaničkih pitanja odgođeno je za narednu, 31. sjednicu Doma, čije održavanje je predviđeno za 15.6.2016.

U vezi sa izmjenama i dopunama dnevnog reda sjednice, predsjedavajući je napomenuo sljedeće:

Na dnevni red dodate su:

Tačka 16. Prijedlog rezolucije o neprihvatanju izgradnje skladišta i odlagališta nuklearnog otpada, iskorištenih izvora i istrošenog nuklearnog goriva i protivljenju aktivnostima u vezi sa izgradnjom skladišta i odlagališta na Trgovskoj gori, općina Dvor, Republika Hrvatska, predlagači: poslanici Diana Zelenika, Borislav Bojić i Jasmin Emrić, broj: 01-02-2-1504/16, od 20. 5. 2016.;

Tačka 18. Prijedlog odluke o izmjeni Odluke o imenovanju članova parlamentarnih delegacija, predlagač: Kolegij Predstavničkog doma PSBiH, broj: 01-50-1-1384/16, od 23.5.2016.;

Tačka 19. Prijedlog Odluke o izmjeni Odluke o imenovanju Komisije za izbor i praćenje rada Agencije za prevenciju korupcije i koordinaciju borbe protiv korupcije, predlagač: Kolegij Predstavničkog doma PSBiH, broj: 01-50-1-1384/16, od 23.5.2016.;

Tačka 20. Prijedlog zaključka Kluba poslanika SDS-a: „Predstavnički dom Parlamentarne skupštine BiH zadužuje Zajedničku komisiju za nadzor nad radom Obavještajno-sigurnosne agencije BiH da ispita navode iznesene na Javnom servisu – Radioteleviziji Republike Srpske o navodnom učešću Ministarstva sigurnosti BiH, Obavještajno-sigurnosne agencije BiH, kao i nekih stranih obavještajnih službi u organizaciji mirnih protesta koji su održani u Banjoj Luci 14.5.2016. “, broj: 01-04-1517/16, od 23.5.2016.;

Tačka 21. Prijedlog zaključka o formiranju Istražne komisije Predstavničkog doma Parlamentarne skupštine Bosne i Hercegovine za utvrđivanje stanja u Izvozno-kreditnoj agenciji Bosne i Hercegovine, predlagač: Kolegij Predstavničkog doma PSBiH u proširenom sastavu, broj: 01-34-1-1523/16, od 23.5.2016.;

Tačka 23. Davanje saglasnosti za ratifikaciju Ugovora o Centru za istraživanje i inovaciju Zapadnog Balkana – WISE, broj: 01,02-05-2-1419/16, od 16.5.2016.;

Tačka 24. Davanje saglasnosti za ratifikaciju Sporazuma između Vijeća ministara BiH i Kabineta ministara Ukrajine o saradnji u borbi protiv kriminala, broj: 01,02-05-2-1420/16, od 16.5.2016.;

Tačka 25. Davanje saglasnosti za ratifikaciju Sporazuma između Vijeća ministara BiH i Vlade Republike Austrije o naučnoj i tehnološkoj saradnji, broj: 01,02-05-2-1422/16, od 16.5.2016.

S ranijeg dnevnog reda skinute su:

Tačka 5. Prijedlog zakona o izmjenama i dopunama Zakona o sportu u Bosni i Hercegovini, predlagač: poslanica Maja Gasal-Vražalica, zakon broj: 01-02-1-742/16, od 3.3.2016. (drugo čitanje), na zahtjev Ustavnopravne komisije,

Tačka 7. Prijedlog zakona o izmjenama i dopunama Zakona o Pravobranilaštvu BiH, predlagač: Vijeće ministara BiH, zakon broj: 01,02-02-1-610/16, od 18.3.2016., (drugo čitanje), na zahtjev Ustavnopravne komisije,

Tačka 8. Prijedlog zakona o dopunama Zakona o parničnom postupku pred Sudom BiH, predlagač: Vijeće ministara BiH, zakon broj: 01,02-02-1-609/16, od 18.3.2016. (drugo čitanje), na zahtjev Ustavnopravne komisije,

Tačka 13. Prijedlog zakona o izmjenama i dopunama Izbornog zakona Bosne i Hercegovine, predlagač: poslanik Željko Komšić, zakon broj: 01-02-1-1305/16 od 4.5.2016. (prvo čitanje), na zahtjev Ustavnopravne komisije i

Tačka 16. Izvještaj o radu Ureda za razmatranje žalbi za 2015. godinu, broj: 01,02-50-19-1253/16, od 27.4.2016., na zahtjev Komisije za finansije i budžet.

Dopunjene su:

Tačka 7. Prijedlog okvirnog zakona o liječenju neplodnosti biomedicinski potpomognutom oplodnjom, predlagač: Komisija za ostvarivanje ravnopravnosti spolova, zakon broj: 01-02-1-882/16, od 17.3.2016.,

Tačka 8. Prijedlog zakona o dopunama Zakona o javnim nabavkama, predlagač: poslanik Damir Bećirović, zakon broj: 01-02-1-1303/16, od 4.5.2016. i

Tačka 9. Prijedlog zakona o dopuni Zakona o Vijeću ministara Bosne i Hercegovine, predlagač: poslanik Damir Bećirović, zakon broj: 01-02-1-1304/16, od 4.5.2016., dopunjena je **Mišljenjem Ustavnopravne komisije.**

Nakon ovih napomena predsjedavajući je otvorio raspravu o dnevnom redu sjednice.

U raspravi su učestvovali: Aleksandra Pandurvić, Staša Košarac, Nikola Lovrinović, Milica Marković, Damir Arnaut, Momčilo Novaković, Denis Bećirović, Sadik Ahmetović, Borjana Krišto, Lazar Prodanović, Predrag Kožul, Mirsad Đonlagić, Šefik Džaferović, Dušanka Majkić, Mirsad Mešić i Hanka Vajzović.

Staša Košarac predložio je da se u dnevni red sjednice doda tačka: Informacija Vijeća ministara BiH o Odluci o jedinstvenom programu obrade podataka popisa stanovništva u BiH, koju je donio direktor Agencije za statistiku BiH Velimir Jukić. Na prijedlog Aleksandre Pandurević, prijedlog je korigiran u prijedlog zaključka kojim se zadužuje Vijeće ministara BiH da do sljedeće sjednice dostavi informaciju Vijeća ministara BiH o Odluci o jedinstvenom programu obrade podataka popisa stanovništva u BiH, koju je donio direktor Agencije za statistiku BiH Velimir Jukić.

Denis Bećirović predložio je da se tačka 15. Razmatranje poslaničke inicijative Denisa Bećirovića, podnesene 27.4.2016., koja glasi: „*Predstavnički dom PSBiH poziva nadležne organe Grada Mostara da u najkraćem roku ukinu neprimjerene nazive ulica u Mostaru koje nose imena zvaničnika fašističke NDH Mile Budaka, Jure Francetića, Ante Vokića i Mladena Lorkovića*“, akt broj: 01-50-1-1254/16, prebaci i postane tačka 3. dnevnog reda, o kojoj će se glasati odmah nakon završene rasprave o njoj.

Nakon iznesenih prijedloga predsjedavajući je rekao da su tačke dnevnog reda poredane poslovnički, te da se o prijedlogu Denisa Bećirovića Dom neće izjašnjavati.

Zatim se glasalo o modificiranom prijedlogu Staše Košarca. Prijedlog nije usvojen. Za“ je glasalo 11 poslanika (iz Republike Srpske), „protiv“ 19 i sedam je bilo „suzdržanih“.

Predsjedavajući je konstatirao da 30. sjednica Predstavničkog doma ima sljedeći

DNEVNI RED

1. Usvajanje zapisnika 28. i 29. sjednice Predstavničkog doma Parlamentarne skupštine BiH;

2. Komentari na dobivene odgovore na poslanička pitanja;
3. Zahtjev poslanika Mladena Bosića, Šefika Džaferovića i Borjane Krišto za razmatranje Prijedloga zakona o dopuni Zakona o sukobu interesa u institucijama vlasti Bosne i Hercegovine po hitnom postupku, zakon broj: 01-02-1-1403/16, od 12.5.2016.;
4. Prijedlog zakona o izmjeni i dopunama Zakona o Vijeću ministara Bosne i Hercegovine, predlađač: Komisija za ostvarivanje ravnopravnosti spolova, zakon broj: 01-02-1-79/16, od 5.1.2016. (drugo čitanje);
5. Prijedlog zakona o izmjenama i dopunama Zakona o zabrani diskriminacije, predlađač: Vijeće ministara BiH, zakon broj: 01,02-02-1-341/16, od 4.3.2016. (drugo čitanje);
6. Prijedlog zakona o izmjenama i dopunama Zakona o finansiranju političkih stranaka, predlađači: članovi Interresorne radne grupe za izradu izmjena izbornog zakonodavstva, poslanici: Borjana Krišto, Hazim Rančić i Lazar Prodanović, zakon broj: 01-02-1-1033/16, od 4.4.2016. (drugo čitanje);
7. Prijedlog okvirnog zakona o liječenju neplodnosti biomedicinski potpomognutom oplodnjom, predlađač: Komisija za ostvarivanje ravnopravnosti spolova, zakon broj: 01-02-1-882/16, od 17.3.2016., **s mišljenjem Ustavnopravne komisije;**
8. Prijedlog zakona o dopunama Zakona o javnim nabavkama, predlađač: poslanik Damir Bećirović, zakon broj: 01-02-1-1303/16, od 4.5.2016., **s mišljenjem Ustavnopravne komisije;**
9. Prijedlog zakona o dopuni Zakona o Vijeću ministara Bosne i Hercegovine, predlađač: poslanik Damir Bećirović, zakon broj: 01-02-1-1304/16, od 4.5.2016. **s mišljenjem Ustavnopravne komisije**
10. Izvještaj Zajedničke komisije oba doma za postizanje identičnog teksta Zakona o izmjenama i dopunama Zakona o službi u Oružanim snagama Bosne i Hercegovine (predlađač: Vijeće ministara BiH, zakon broj: 01,02-02-1-26/15, od 28.1.2016.);
11. Izvještaj o radu Vijeća ministara BiH za 2015. godinu, broj: 01,02-50-19-850/16, od 16.3.2016.;
12. Izvještaj o radu Državne regulatorne komisije za električnu energiju u 2015. godini, broj: 01,02-28-1273/16, od 28.4.2016.;
13. Izvještaj o provođenju zakona iz nadležnosti Centralne izborne komisije BiH u 2015. godini, broj: 01,02-50-19-1301/16, od 4.5.2016.;
14. Informacija o radu Tužilaštva BiH za 2015. godinu, akt broj: 01-09-1205/16, od 21.4.2016.;
15. Razmatranje poslaničke inicijative Denisa Bećirovića, podnesene 27.4.2016., koja glasi: **„Predstavnički dom PSBiH poziva nadležne organe Grada Mostara da u najkraćem roku ukinu neprimjerene nazive ulica u Mostaru koje nose imena zvaničnika fašističke NDH Mile Budaka, Jure Francetića, Ante Vokića i Mladena Lorkovića“**, akt broj: 01-50-1-1254/16;
16. Prijedlog rezolucije o neprihvatanju izgradnje skladišta i odlagališta nuklearnog otpada, iskorištenih izvora i istrišenog nuklearnog goriva i protivljenju aktivnostima u vezi sa izgradnjom skladišta i odlagališta na Trgovskoj gori, općina Dvor, Republika Hrvatska, predlađači: poslanici Diana Zelenika, Borislav Bojić i Jasmin Emrić, broj: 01-02-2-1504/16, od 20. 5. 2016.;
17. Prijedlog deklaracije o osudi govora mržnje, predlađači: poslanici Saša Magazinović, Lazar Prodanović i Senad Šepić, broj: 01-02-2-1381/16, od 10.5.2016.;

18. Prijedlog odluke o izmjeni Odluke o imenovanju članova parlamentarnih delegacija, predlagatelj: Kolegij Predstavničkog doma PSBiH, broj: 01-50-1-1384/16 od 23.5.2016.;
19. Prijedlog Odluke o izmjeni Odluke o imenovanju Komisije za izbor i praćenje rada Agencije za prevenciju korupcije i koordinaciju borbe protiv korupcije, predlagatelj: Kolegij Predstavničkog doma PSBiH, broj: 01-50-1-1384/16 od 23.5.2016.;
20. Prijedlog zaključka Kluba poslanika SDS-a: „Predstavnički dom Parlamentarne skupštine BiH zadužuje Zajedničku komisiju za nadzor nad radom Obavještajno-sigurnosne agencije BiH da ispita navode iznesene na Javnom servisu – Radioteleviziji Republike Srpske o navodnom učešću Ministarstva sigurnosti BiH, Obavještajno-sigurnosne agencije BiH, kao i nekih stranih obavještajnih službi u organizaciji mirnih protesta koji su održani u Banjoj Luci 14.5.2016. “, broj: 01-04-1517/16, od 23.5.2016.;
21. Prijedlog zaključka o formiranju Istražne komisije Predstavničkog doma Parlamentarne skupštine Bosne i Hercegovine za utvrđivanje stanja u Izvozno-kreditnoj agenciji Bosne i Hercegovine, predlagatelj: Kolegij Predstavničkog doma PSBiH u proširenom sastavu, broj: 01-34-1-1523/16, od 23.5.2016.;
22. Davanje saglasnosti za ratifikaciju Sporazuma o finansiranju programa posebnih mjera oporavka nakon poplava i upravljanje rizikom od poplava – dio koji se odnosi na Bosnu i Hercegovinu, broj: 01,02-05-2-1377/16, od 10.5.2016.;
23. Davanje saglasnosti za ratifikaciju Ugovora o Centru za istraživanje i inovaciju Zapadnog Balkana – WISE, broj: 01,02-05-2-1419/16, od 16.5.2016.;
24. Davanje saglasnosti za ratifikaciju Sporazuma između Vijeća ministara BiH i Kabineta ministra Ukrajine o saradnji u borbi protiv kriminala, broj: 01,02-05-2-1420/16, od 16.5.2016.;
25. Davanje saglasnosti za ratifikaciju Sporazuma između Vijeća ministara BiH i Vlade Republike Austrije o naučnoj i tehnološkoj saradnji, broj: 01,02-05-2-1422/16, od 16.5.2016.

Ad.1. Usvajanje zapisnika 28. i 29. sjednice Predstavničkog doma Parlamentarne skupštine BiH

Predsjedavajući je rekao da je poslanicima dostavljen Zapisnik.

Nikola Lovrinović iznio je primjedbe na zapisnike.

Zapisnik 28. sjednice, s korekcijom na zahtjev Nikole Lovrinovića, usvojen je s 33 glasa “za” (iz Federacije BiH 21, iz Republike Srpske 12), bez glasova „protiv“ i četiri glasa „suzdržan“.

Zapisnik 29. sjednice, s korekcijom na zahtjev Nikole Lovrinovića, usvojen je s 34 glasa “za” (iz Federacije BiH 22, iz Republike Srpske 12), bez glasova „protiv“ i tri glasa „suzdržan“.

Ad.2. Komentari na dobivene odgovore na poslanička pitanja

Predsjedavajući je podsjetio da su, u skladu s članom 170. Poslovnika, do ove sjednice Doma pitanja u pisanoj formi postavili poslanici:

- **Nikola Lovrinović** – postavio pitanje Upravnom odboru i menadžmentu RTVBiH, Upravnom odboru i menadžmentu RTV Federacije BiH i Upravnom odboru i menadžmentu RTV Republike Srpske,
- **Mirsad Donlagić** – postavio pitanje Vijeću ministara BiH i Ministarstvu vanjske trgovine i ekonomskih odnosa BiH,
- **Aleksandra Pandurević** – postavila pitanje direktorici Poreske uprave Republike Srpske.

Sadržaj postavljenih pitanja je sljedeći:

Nikola Lovrinović

Pitanje postavljeno Upravnom odboru i menadžmentu RTVBiH:

1. Kada i kako ste proveli odredbe člana 26. st. (3), (4) i (5) Zakona o Javnom radiotelevizijskom sistemu BiH („Službeni glasnik BiH“, br. 78/05, 35/09, 32/10 i 51/15) koje glase:
“(3) Program javnih RTV servisa uvažavat će nacionalne, regionalne, tradicijske, vjerske, kulturne, jezičke i druge karakteristike konstitutivnih naroda i svih građana Bosne i Hercegovine. Program javnih RTV servisa također će afirmirati kulturne i druge potrebe nacionalnih manjina u Bosni i Hercegovini.
(4) Programi javnih RTV servisa uvažavat će prava konstitutivnih naroda i ostalih i bit će uređivani jednakopravno na tri službena jezika i dva pisma.
(5) U proizvodnji vlastitog programa i programa u koprodukciji javni RTV servisi osigurat će jednakopravnu zastupljenost sadržaja koji odgovaraju tradicijskoj baštini svih triju naroda i odgovarajuću zastupljenost ostalih.“
i odredbe člana 8. stav (2) Zakona o Javnom radiotelevizijskom servisu Bosne i Hercegovine („Službeni glasnik BiH“, broj 92/05), koja glasi:
„(2) Programi će biti prilagođeni potrebama konstitutivnih naroda i građana Bosne i Hercegovine, uređivani i emitirani ravnopravno na tri jezika u službenoj upotrebi u Bosni i Hercegovini i dva pisma.“?

Pitanje postavljeno Upravnom odboru i menadžmentu RTV Federacije BiH i Upravnom odboru i menadžmentu RTV Republike Srpske:

1. Kada i kako ste proveli odredbe člana 26. st. (3), (4) i (5) Zakona o Javnom radiotelevizijskom sistemu BiH („Službeni glasnik BiH“, br. 78/05, 35/09, 32/10 i 51/15) koje glase:
“(3) Program javnih RTV servisa uvažavat će nacionalne, regionalne, tradicijske, vjerske, kulturne, jezičke i druge karakteristike konstitutivnih naroda i svih građana Bosne i Hercegovine. Program javnih RTV servisa također će afirmirati kulturne i druge potrebe nacionalnih manjina u Bosni i Hercegovini.
(4) Programi javnih RTV servisa uvažavat će prava konstitutivnih naroda i ostalih i bit će uređivani jednakopravno na tri službena jezika i dva pisma.

(5) U proizvodnji vlastitog programa i programa u koprodukciji javni RTV servisi osigurati će jednakopravnu zastupljenost sadržaja koji odgovaraju tradicijskoj baštini svih triju naroda i odgovarajuću zastupljenost ostalih.“?

Mirsad Donlagić

Pitanje postavljeno Vijeću ministara BiH i Ministarstvu vanjske trgovine i ekonomskih odnosa BiH: „Iran kao veoma značajna zemlja i potencijalno tržište za proizvode iz BiH i u trgovinskom smislu vrlo interesantan partner za intenziviranje i industrijske saradnje predstavlja potencijalnog i značajnog partnera za BiH. Da li u tom smislu Vijeće ministara BiH i Ministarstvo vanjske trgovine i ekonomskih odnosa BiH namjeravaju intenzivirati napore u smislu iskorištavanja potencijala za poboljšanje pomenutih mogućnosti za saradnju?

Aleksandra Pandurević

Pitanje postavljeno direktorici Poreske uprave Republike Srpske: „Koliko je kladionica poslovalo u Republici Srpskoj tokom 2015. godine? Koliko iznose njihovi ukupno prijavljeni prihodi u 2015. godini, koliko je ukupni iznos naplaćenog poreza i poreskog duga? Ukoliko postoje poreska dugovanja pojedinih kladionoca, molim vas da mi navedete sve poreske dužnike i iznose koje duguju?!

U skladu s članom 170. Poslovnika, tokom ove sjednice Doma pitanja u pisanoj formi postavio je poslanik **Senad Šepić:**

Pitanja postavljena Vijeću ministara BiH:

1. „Šta Vijeće ministara BiH konkretno radi u pravcu osiguranja okvira i principa za primjenu propisa o plaćanju po učinku u institucijama BiH?“
2. „Šta Vijeće ministara BiH konkretno radi da se u BiH pokrene globalna kampanja Vijeća Evrope „Ne - govoru mržnje“ i da se formira Nacionalni komitet za provođenje kampanje na nivou BiH, kako bi i naša država postala članica kampanje Vijeća Evrope? BiH je jedina država u regionu koja nije članica ove kampanje i zašto i kada će Vijeće ministara BiH uraditi svoj dio posla?“

Predsjedavajući je rekao da su do današnje sjednice dostavljeni sljedeći odgovori na poslanička pitanja:

- na pitanje **Maje Gasal-Vražalice**, postavljeno u usmenoj formi na 26. sjednici, odgovor dostavilo Ministarstvo vanjske trgovine i ekonomskih odnosa BiH,
- na pitanje **Senada Šepića**, postavljeno u pisanoj formi na 27. sjednici, odgovore dostavili: Zavod za zapošljavanje Brčko Distrikta BiH, Vlada Republike Srpske i Vlada Federacije BiH, Vijeće ministara BiH dostavilo odgovor na pitanje postavljeno u pisanoj formi na 27. sjednici i na inicijativu podnesenu na 26. sjednici, Ministarstvo vanjskih poslova BiH dostavilo odgovor na inicijativu,
- na pitanje **Aleksandre Pandurević**, postavljeno u pisanoj formi na 27. sjednici, odgovor dostavilo Vijeće ministara BiH,
- na pitanja **Denisa Bećirovića**, postavljena u pisanoj formi na 26. sjednici, odgovore dostavilo Vijeće ministara BiH,
- na dopunska pitanja **Damira Arnauta** odgovore dostavilo Vijeće ministara BiH,

- Na pitanje **Mirsada Đonlagića**, postavljeno u pisanoj formi na 27. sjednici, odgovor dostavilo Vijeće ministara BiH,
- Na pitanje **Nermine Kapetanović**, postavljeno u usmenoj formi na 26. sjednici, Vijeće ministara BiH prosljedilo odgovor Ministarstva za ljudska prava i izbjeglice BiH.

Dostavljene odgovore komentirali su: poslanici Maja Gasal - Vražalica, Damir Arnaut i Mirsad Đonlagić

U okviru komentara, zatraženo je sljedeće:

Maja Gasal-Vražalica izrazila je nezadovoljstvo odgovorom dobivenim od ministra vanjske trgovine i ekonomskih odnosa BiH na pitanje u vezi s neučesćem direktora Ureda za veterinarstvo BiH u kampanji Svjetske organizacije za zdravlje životinja (OIE). Također, napomenula je da od Ministarstva pravde BiH čeka odgovor već dva i po mjeseca.

Damir Arnaut istakao je zadovoljstvo odgovorom dobivenim od Ministarstva vanjske trgovine i ekonomskih odnosa BiH.

Mirsad Đonlagić istakao je nezadovoljstvo odgovorom dobivenim od Ministarstva prometa i komunikacija BiH na pitanje - koliko sredstava je Bosna i Hercegovina povukla iz EU i koliko sredstava je od tih dobivenih sredstava iskorišteno i u šta, te zatražio da se odgovor kompletira i ponovo dostavi.

Ad.3. Zahtjev poslanika Mladena Bosića, Šefika Džaferovića i Borjane Krišto za razmatranje Prijedloga zakona o dopuni Zakona o sukobu interesa u institucijama vlasti Bosne i Hercegovine po hitnom postupku, zakon broj: 01-02-1-1403/16, od 12.5.2016.

Predsjedavajući je dao uvodne napomene i otvorio raspravu o proceduri. Diskutirala je Dušanka Majkić.

Zahtjev poslanika Mladena Bosića, Šefika Džaferovića i Borjane Krišto za razmatranje Prijedloga zakona o dopuni Zakona o sukobu interesa u institucijama vlasti Bosne i Hercegovine po hitnom postupku usvojen je s 23 glasa „za“ (iz Federacije BiH 17, iz Republike Srpske šest), četiri glasa „protiv“ i 11 glasova „suzdržan“.

Predsjedavajući je otvorio raspravu o Prijedlogu zakona.

U raspravi su učestvovali: Dušanka Majkić, Jasmin Emrić, Šefik Džaferović, Mladen Bosić, Hazim Rančić, Borjana Krišto, Saša Magazinović, Maja Gasal - Vražalica, Hanka Vajzović, Lazar Prodanović, Mirsad Đonlagić, Aleksandra Pandurević, Zaim Backović i Momčilo Novaković.

Prijedlog zakona o dopuni Zakona o sukobu interesa u institucijama vlasti Bosne i Hercegovine usvojen je s 25 glasova „za“ (iz Federacije BiH 18, iz Republike Srpske sedam), četiri glasa „protiv“ i osam glasova „suzdržan“.

Predsjedavajući je dao na glasanje prijedlog zaključka Kolegija Doma koji glasi: „*Zakon o dopuni Zakona o sukobu interesa u institucijama vlasti Bosne i Hercegovine čiji su predlagači poslanici Mladen Bosić, Šefik Džaferović i Borjana Krišto upućuje se Domu naroda Parlamentarne skupštine BiH na razmatranje i usvajanje po hitnom postupku u skladu s članom 124. Poslovnika Doma naroda Parlamentarne skupštine BiH.*“ Zaključak je usvojen s 24 glasa „za“ (iz Federacije BiH 18, iz Republike Srpske šest), četiri „protiv“ i devet glasova „suzdržan“.

Ad.4. Prijedlog zakona o izmjeni i dopunama Zakona o Vijeću ministara Bosne i Hercegovine, predlagač: Komisija za ostvarivanje ravnopravnosti spolova, zakon broj: 01-02-1-79/16, od 5.1.2016. (drugo čitanje)

Nakon uvodnih napomena predsjedavajućeg, diskutirao je Mirsad Isaković.

Prijedlog zakona o izmjeni i dopunama Zakona o Vijeću ministara Bosne i Hercegovine nije usvojen u drugom čitanju. „Za“ je glasalo 11 poslanika (iz Federacije BiH), „protiv“ 15 i 11 je bilo „suzdržanih“.

Ad.5. Prijedlog zakona o izmjenama i dopunama Zakona o zabrani diskriminacije, predlagač: Vijeće ministara BiH, zakon broj: 01,02-02-1-341/16, od 4.3.2016. (drugo čitanje)

Predsjedavajući je dao uvodne napomene.

Diskutirao je Nikola Lovrinović.

Dom se prvo izjašnjavao o Prijedlogu amandmana I Nikole Lovrinovića, koji glasi:

Amandman I.

Član 1. Prijedloga zakona o izmjenama i dopunama Zakona o zabrani diskriminacije mijenja se i glasi:

„U Zakonu o zabrani diskriminacije (‘‘Službeni glasnik BiH’’, broj 59/09), član 2. mijenja se i glasi:

„(1) Diskriminacijom u smislu ovog zakona smatrat će se svako različito postupanje uključujući i svako isključivanje, ograničavanje ili davanje prednosti utemeljeno samo na stvarnim ili pretpostavljenim različitostima, kao i svaka druga okolnost koja za svrhu ili posljedicu ima da bilo kojoj osobi ili grupi ugrožava ili onemogućava uživanje, priznavanje ili ostvarenje prava na ravnopravnost i slobodu u svim oblastima života.

(2) Ukoliko je navedeno ponašanje prema osobi ili grupama počinjeno iz vlastitih razloga pojedinca počinio, u ime institucije ili iz bilo kojeg drugog razloga, a kod podnesene tužbe počinilac izjavi da ne bi želio da se to njemu dogodi, to djelo smatrat će se diskriminacijom.

(3) Da li je učinjeno djelo po prijavi ili tužbi djelo diskriminacije obavezno je izjašnjenje Institucije ombudsmena za ljudska prava BiH.“ “

Prijedlog amandmana nije usvojen. Za“ je glasalo šest poslanika (iz Federacije BiH), „protiv“ 21 i 11 je bilo „suzdržanih“.

Predsjedavajući je dao na glasanje Prijedlog zakona. S 24 glasa „za“ (iz Federacije BiH 23, iz Republike Srpske jedan), jednim glasom „protiv“ i 13 glasova „suzdržan“. Prijedlog zakona o izmjenama i dopunama Zakona o zabrani diskriminacije nije dobio potrebnu entitetsku većinu. Predsjedavajući je rekao da će Kolegij Doma kao komisija obaviti naknadno usaglašavanje.

Ad.6. Prijedlog zakona o izmjenama i dopunama Zakona o finansiranju političkih stranaka, predlagači: članovi Interresorne radne grupe za izradu izmjena izbornog zakonodavstva, poslanici: Borjana Krišto, Hazim Rančić i Lazar Prodanović, zakon broj: 01-02-1-1033/16, od 4.4.2016. (drugo čitanje)

Nakon uvodnih napomena predsjedavajućeg, nije bilo prijavljenih za raspravu.

Prijedlog zakona o izmjenama i dopunama Zakona o finansiranju političkih stranaka usvojen je u drugom čitanju s 27 glasova „za“ (iz Federacije BiH 20, iz Republike Srpske sedam), 10 glasova „protiv“ i jednim glasom „suzdržan“.

Ad.7. Prijedlog okvirnog zakona o liječenju neplodnosti biomedicinski potpomognutom oplodnjom, predlagač: Komisija za ostvarivanje ravnopravnosti spolova, zakon broj: 01-02-1-882/16, od 17.3.2016., s mišljenjem Ustavnopravne komisije

Predsjedavajući je dao uvodne napomene i otvorio raspravu.

U raspravi su učestvovali: Mirsad Isaković, Dušanka Majkić, Damir Arnaut, Zaim Backović, Maja Gasal - Vražalica, Borjana Krišto, Aleksandra Pandurević, Lazar Prodanović, Milica Marković, Diana Zelenika, Nikola Lovrinović i Nermina Kapetanović.

Nakon rasprave, Dom se izjasnio o Mišljenju Ustavnopravne komisije o Prijedlogu okvirnog zakona o liječenju neplodnosti biomedicinski potpomognutom oplodnjom. S 13 glasova „za“ (iz Federacije BiH tri, iz Republike Srpske 10), 25 glasova „protiv“ i bez glasova „suzdržan“, Mišljenje Ustavnopravne komisije o Prijedlogu okvirnog zakona o liječenju neplodnosti biomedicinski potpomognutom oplodnjom nije prihvaćeno, te je Komisija zadužena da, u skladu s članom 113. stav (3) Poslovnika, izradi novo mišljenje o navedenom prijedlogu zakona.

Ad.8. Prijedlog zakona o dopunama Zakona o javnim nabavkama, predlagač: poslanik Damir Bećirović, zakon broj: 01-02-1-1303/16, od 4.5.2016., s mišljenjem Ustavnopravne komisije

Nakon uvodnih napomena, otvorena je rasprava.

U raspravi su učestvovali: Damir Bećirović, Safer Demirović, Dušanka Majkić i Zaim Backović.

Nakon toga, Dom se izjasnio o Mišljenju Ustavnopravne komisije o Prijedlogu zakona o dopunama Zakona o javnim nabavkama. S 13 glasova „za“ (iz Federacije BiH tri, iz Republike Srpske 10), 25 glasova „protiv“ i bez glasova „suzdržan“, Mišljenje Ustavnopravne komisije o Prijedlogu okvirnog zakona o liječenju neplodnosti biomedicinski potpomognutom oplodnjom nije prihvaćeno, te je Komisija zadužena da, u skladu s članom 113. stav (3) Poslovnika, izradi novo mišljenje o navedenom prijedlogu zakona.

Ad.9. Prijedlog zakona o dopuni Zakona o Vijeću ministara Bosne i Hercegovine, predlagač: poslanik Damir Bećirović, zakon broj: 01-02-1-1304/16, od 4.5.2016., s mišljenjem Ustavnopravne komisije

Predsjedavajući je dao uvodne napomene. Diskutirao je Damir Bećirović.

Nakon toga, Dom se izjasnio o Mišljenju Ustavnopravne komisije o Prijedlogu zakona o dopuni Zakona o Vijeću ministara Bosne i Hercegovine. S 14 glasova „za“ (iz Federacije BiH četiri, iz Republike Srpske 10), 23 glasa „protiv“ i jednim glasom „suzdržan“, Mišljenje Ustavnopravne komisije o Prijedlogu zakona o dopuni Zakona o Vijeću ministara Bosne i Hercegovine nije prihvaćeno, te je Komisija zadužena da, u skladu s članom 113. stav (3) Poslovnika, izradi novo mišljenje o navedenom prijedlogu zakona.

Ad.10. Izvještaj Zajedničke komisije oba doma za postizanje identičnog teksta Zakona o izmjenama i dopunama Zakona o službi u Oružanim snagama Bosne i Hercegovine (predlagač: Vijeće ministara BiH, zakon broj: 01,02-02-1-26/15, od 28.1.2016.)

Predsjedavajući je dao uvodne napomene. Nije bilo rasprave.

Izvještaj Zajedničke komisije oba doma za postizanje identičnog teksta Zakona o izmjenama i dopunama Zakona o službi u Oružanim snagama Bosne i Hercegovine usvojen je s 32 glasa „za“ (iz Federacije BiH 26, iz Republike Srpske šest), pet glasova „protiv“ i jednim glasom „suzdržan“. Time je usvojen i Amandman I. iz Izvještaja, koji glasi:

Amandman I.

U Prijedlogu zakona o izmjenama i dopunama Zakona o službi u Oružanim snagama Bosne i Hercegovine u članu 14. stav (1) koji se odnosi na član 101. stav (1) osnovnog zakona iza interpunkcijskog znaka dvotačka „ : ” dodaju se riječi:

„(1) Maksimalna dužina trajanja službe profesionalnih vojnih lica u Oružanim snagama je:“.

Ad.11. Izvještaj o radu Vijeća ministara BiH za 2015. godinu, broj: 01,02-50-19-850/16, od 16.3.2016.

Nakon uvodnih napomena predsjedavajućeg, otvorena je rasprava. U raspravi su učestvovali: Nikola Lovrinović, Saša Magazinović, Maja Gasal-Vražalica, Šemsudin Mehmedović, Zaim Backović, Salko Sokolović, Senad Šepić, Šefik Džaferović, Mensura Beganović i Dušanka Majkić.

Domu se obratio predsjedavajući Vijeća ministara BiH Denis Zvizdić.

Nakon rasprave i izlaganja predsjedavajućeg Vijeća ministara BiH, Dom je, s 25 glasova „za“ (iz Federacije BiH 19, iz Republike Srpske šest), sedam „protiv“ i šest glasova „suzdržan“, usvojio Izvještaj o radu Vijeća ministara BiH za 2015. godinu.

Zatim je predsjedavajući dao na glasanje zaključke iz Mišljenja nadležnih komisija i zaključke iznesene u raspravi.

Zaključci iz Mišljenja Komisije za vanjsku trgovinu i carine usvojeni su s 28 glasova „za“ (iz Federacije BiH 22, iz Republike Srpske šest), pet „protiv“ i pet glasova „suzdržan“.

Zaključci glase:

1. *Traži se od Vijeća ministara BiH da Komisiji za vanjsku trgovinu i carine Predstavničkog doma PSBiH dostavi informaciju o međunarodnim sporovima koji se protiv BiH vode u vezi sa zaštitom intelektualnog vlasništva.*
2. *Zadužuje se Ministarstvo vanjske trgovine i ekonomskih odnosa BiH da, zajedno s Ministarstvom vanjskih poslova BiH, razmotri mogućnost olakšavanja protoka ljudi, robe i usluga između država nastalih na teritoriji bivše Jugoslavije.*
3. *Traži se od Ministarstva vanjske trgovine i ekonomskih odnosa BiH da u narednom periodu, u saradnji s Institutom za standardizaciju i Institutom za akreditiranje BiH, posveti pažnju i uloži napore za donošenje cjelodržavne strategije razvoja kvaliteta u BiH kako bi se obezbijedila prohodnost robe (uvoz i izvoz) u skladu s međunarodnim standardima.*

Zaključak iz Mišljenja Komisije za finansije i budžet usvojen je s 27 glasova „za“ (iz Federacije BiH 21, iz Republike Srpske šest), pet „protiv“ i šest glasova „suzdržan“ i glasi: *„Predstavnički dom Parlamentarne skupštine BiH traži od Ministarstva finansija i trezora BiH da u narednom periodu dostavlja šestomjesečne informacije o stanju javne zaduženosti BiH.“*

Zaključak poslanika Nikole Lovrinovića usvojen je s 18 glasova „za“ (iz Federacije BiH 13, iz Republike Srpske pet), 11 glasova „protiv“ i devet glasova „suzdržan“ i glasi: *„Predstavnički dom PSBiH traži od Vijeća ministara BiH da ubuduće Predstavničkom domu dostavi poseban izvještaj o procesu integriranja BiH u EU, kojim će biti obuhvaćena sva tijela državne uprave koja se bave ovim obavezama.“*

Zaključak iz Mišljenja Zajedničke komisije za nadzor nad radom Obavještajno-sigurnosne agencije BiH usvojen je s 27 glasova „za“ (iz Federacije BiH 21, iz Republike Srpske šest), pet glasova „protiv“ i šest glasova „suzdržan“. Zaključak glasi: *„Pozivaju se sva ministarstva u Vijeću ministara BiH da hitno otklone nedostatke u primjeni Zakona o zaštiti tajnih podataka koje su tokom provođenja nadzora ustanovili Zajednička komisija za nadzor nad radom Obavještajno-sigurnosne agencije BiH i Državni sigurnosni organ.“*

Prijedlozi zaključaka Maje Gasal-Vražalice i Senada Šepića nisu usvojeni.

Prijedlog zaključka Maje Gasal-Vražalice glasi: „U skladu s članom 100. Poslovnika Predstavničkog doma PSBiH, predsjedavajući oba doma PSBiH sazvat će zajedničku sjednicu oba doma, na kojoj će se uz prisustvo članova Vijeća ministara BiH razmatrati Izvještaj o radu Vijeća ministara BiH.“ „Za“ je glasalo 13 poslanika (iz Federacije BiH), „protiv“ 21 i četiri su bila „suzdržana“.

Prijedlog zaključka Senada Šepića glasi: „Predstavnički dom PSBiH poziva Zajednički kolegij oba doma PSBiH da utvrdi princip obaveznog održavanja posebne sjednice oba doma PSBiH s tačkom dnevnog reda: Izvještaj o radu Vijeća ministara BiH, a koja će biti održana svake godine u prvom kvartalu i na kojoj će biti obavezno osigurano prisustvo predsjedavajućeg i svakog člana Vijeća ministara BiH.“ „Za“ je glasalo devet poslanika (iz Federacije osam, iz Republike Srpske jedan), „protiv“ 25 i četiri su bila „suzdržana“.

Ad.12. Izvještaj o radu Državne regulatorne komisije za električnu energiju u 2015. godini, broj: 01,02-28-1273/16, od 28.4.2016.

Nakon uvodnih napomena predsjedavajućeg, otvorena je rasprava. U raspravi su učestvovali: Šemsudin Mehmedović, Safer Demirović, Mirsad Đonlagić, Zaim Backović, Damir Bećirović i Hazim Rančić.

Domu su se obratili predsjedavajući Državne regulatorne komisije za električnu energiju Milorad Tuševljak i član Državne regulatorne komisije za električnu energiju Mirsad Salkić.

Dom je, s 26 glasova „za“ (iz Federacije BiH 19, iz Republike Srpske sedam), četiri „protiv“ i osam glasova „suzdržan“, usvojio Izvještaj o radu Državne regulatorne komisije za električnu energiju u 2015. godini.

Ad.13. Izvještaj o provođenju zakona iz nadležnosti Centralne izborne komisije BiH u 2015. godini, broj: 01,02-50-19-1301/16, od 4.5.2016.

Nakon uvodnih napomena predsjedavajućeg nije bilo rasprave.

Dom je, s 36 glasova „za“ (iz Federacije BiH 25, iz Republike Srpske 11), bez glasova „protiv“ i dva glasa „suzdržan“, usvojio Izvještaj o provođenju zakona iz nadležnosti Centralne izborne komisije BiH u 2015. godini.

Ad.14. Informacija o radu Tužilaštva BiH za 2015. godinu, akt broj: 01-09-1205/16, od 21.4.2016.

Nakon uvodnih napomena predsjedavajućeg, otvorena je rasprava. U raspravi su učestvovali: Nikola Lovrinović, Momčilo Novaković, Šefik Džaferović, Dušanka Majkić, Milica Marković, Aleksandra Pandurević, Borjana Krišto, Mladen Bosić, Staša Košarac i Lazar Prodanović.

Domu se obratio glavni tužilac Tužilaštva BiH Goran Salihović.

Nakon rasprave i obraćanja glavnog tužioca, predsjedavajući je dao na glasanje Informaciju. S 23 glasa „za“ (iz Federacije BiH 22, iz Republike Srpske jedan), 10 glasova „protiv“ i pet glasova „suzdržan“, Informacija o radu Tužilaštva BiH za 2015. godinu nije dobila potrebnu entitetsku većinu. Predsjedavajući je rekao da će Kolegij Doma kao komisija obaviti naknadno usaglašavanje.

Ad.15. Razmatranje poslaničke inicijative Denisa Bećirovića, podnesene 27.4.2016., koja glasi: „Predstavnički dom PSBiH poziva nadležne organe Grada Mostara da u najkraćem roku ukinu neprimjerene nazive ulica u Mostaru koje nose imena zvaničnika fašističke NDH Mile Budaka, Jure Francetića, Ante Vokića i Mladena Lorkovića“, akt broj: 01-50-1-1254/16

Nakon uvodnih napomena predsjedavajućeg nije bilo rasprave.

S 23 glasa „za“ (iz Federacije BiH 22, iz Republike Srpske jedan), devet glasova „protiv“ i šest glasova „suzdržan“, poslanička inicijativa Denisa Bećirovića nije dobila potrebnu entitetsku većinu. Predsjedavajući je rekao da će Kolegij Doma kao komisija obaviti naknadno usaglašavanje.

Ad.16. Prijedlog rezolucije o neprihvatanju izgradnje skladišta i odlagališta nuklearnog otpada, iskorištenih izvora i istrošenog nuklearnog goriva i protivljenju aktivnostima u vezi sa izgradnjom skladišta i odlagališta na Trgovskoj gori, općina Dvor, Republika Hrvatska, predlagači: poslanici Diana Zelenika, Borislav Bojić i Jasmin Emrić, broj: 01-02-2-1504/16, od 20. 5. 2016.

Nakon uvodnih napomena predsjedavajućeg, otvorena je rasprava. U raspravi su učestvovali: Jasmin Emrić, Senad Šepić, Zaim Backović, Nikola Lovrinović, Lazar Prodanović, Nermina Kapetanović, Hanka Vajzović i Safer Demirović.

Senad Šepić u raspravi je predložio zaključak.

Nakon rasprave predsjedavajući je dao na glasanje Prijedlog rezolucije. Dom je, s 38 glasova „za“ (iz Federacije BiH 26, iz Republike Srpske 12), jednoglasno, usvojio Rezoluciju o neprihvatanju izgradnje skladišta i odlagališta nuklearnog otpada, iskorištenih izvora i istrošenog nuklearnog goriva i protivljenju aktivnostima u vezi sa izgradnjom skladišta i odlagališta na Trgovskoj gori, općina Dvor, Republika Hrvatska.

Zaključak Senada Šepića usvojen je s 18 glasova „za“ (iz Federacije BiH 11, iz Republike Srpske sedam), 11 glasova „protiv“ i devet glasova „suzdržan“. Zaključak glasi: *„Predstavnički dom Parlamentarne skupštine BiH obavezuje Vijeće ministara BiH da uputi inicijativu Vladi Republike Hrvatske za održavanje zajedničke sjednice Vlade RH i Vijeća ministara BiH, te obavezno delegira pitanje izgradnje skladišta i odlagališta nuklearnog otpada na Trgovskoj gori i upozna se sa stavom Parlamentarne skupštine BiH.“*

Ad.17. Prijedlog deklaracije o osudi govora mržnje, predlagači: poslanici Saša Magazinović, Lazar Prodanović i Senad Šepić, broj: 01-02-2-1381/16, od 10.5.2016.

Nakon uvodnih napomena predsjedavajućeg, otvorena je rasprava. U raspravi su učestvovali: Saša Magazinović, Aleksandra Pandurević, Momčilo Novaković, Nikola Lovrinović, Lazar Prodanović, Senad Šepić, Hanka Vajzović, Borjana Krišto i Damir Arnaut.

Deklaracija o osudi govora mržnje usvojena je s 34 glasa „za“ (iz Federacije BiH 25, iz Republike Srpske devet), tri glasa „protiv“ i bez glasova „suzdržan“.

Ad.18. Prijedlog odluke o izmjeni Odluke o imenovanju članova parlamentarnih delegacija, predlagač: Kolegij Predstavničkog doma PSBiH, broj: 01-50-1-1384/16 od 23.5.2016.

Nakon uvodnih napomena predsjedavajućeg, otvorena je rasprava. U raspravi su učestvovali: Željko Komšić, Senad Šepić, Hanka Vajzović, Maja Gasal - Vražalica, Zaim Backović, Saša Magazinović i Damir Bećirović.

Odluka o izmjeni Odluke o imenovanju članova parlamentarnih delegacija usvojena je s 19 glasova „za“ (iz Federacije BiH 14, iz Republike Srpske pet), šest glasova „protiv“ i 12 glasova „suzdržan“.

Ad.19. Prijedlog odluke o izmjeni Odluke o imenovanju Komisije za izbor i praćenje rada Agencije za prevenciju korupcije i koordinaciju borbe protiv korupcije, predlagač: Kolegij Predstavničkog doma PSBiH, broj: 01-50-1-1384/16 od 23.5.2016.

Nakon uvodnih napomena predsjedavajućeg, otvorena je rasprava. U raspravi su učestvovali: Hanka Vajzović, Mensura Beganović, Šemsudin Mehmedović, Maja Gasal - Vražalica, Šefik Džaferović, Zaim Backović i Damir Bećirović.

Odluka o izmjeni Odluke o imenovanju Komisije za izbor i praćenje rada Agencije za prevenciju korupcije i koordinaciju borbe protiv korupcije usvojena je s 20 glasova „za“ (iz Federacije BiH 14, iz Republike Srpske šest), četiri glasa „protiv“ i 14 glasova „suzdržan“.

Ad.20. Prijedlog zaključka Kluba poslanika SDS-a: „Predstavnički dom Parlamentarne skupštine BiH zadužuje Zajedničku komisiju za nadzor nad radom Obavještajno-sigurnosne agencije BiH da ispita navode iznesene na Javnom servisu – Radioteleviziji Republike Srpske o navodnom učešću Ministarstva sigurnosti BiH, Obavještajno-sigurnosne agencije BiH, kao i nekih stranih obavještajnih službi u organizaciji mirnih protesta koji su održani u Banjoj Luci 14.5.2016. “, broj: 01-04-1517/16, od 23.5.2016.

Nakon uvodnih napomena predsjedavajućeg, otvorena je rasprava. U raspravi su učestvovali: Milica Marković, Aleksandra Pandurević, Momčilo Novaković, Lazar Prodanović, Staša Košarac,

Mladen Bosić, Zaim Backović, Saša Magazinović, Đorđo Krčmar, Željko Komšić i Nikola Lovrinović.

Zaključak je usvojen s 26 glasova „za“ (iz Federacije BiH 20, iz Republike Srpske šest), pet glasova „protiv“ i sedam glasova „suzdržan“.

Ad.21. Prijedlog zaključka o formiranju Istražne komisije Predstavničkog doma Parlamentarne skupštine BiH za utvrđivanje stanja u Izvozno-kreditnoj agenciji BiH, predlažać: Kolegij Predstavničkog doma PSBiH u proširenom sastavu, broj: 01-34-1-1523/16, od 23.5.2016.

Nakon uvodnih napomena predsjedavajućeg, nije bilo rasprave.

Zaključak o formiranju Istražne komisije Predstavničkog doma Parlamentarne skupštine BiH za utvrđivanje stanja u Izvozno-kreditnoj agenciji BiH usvojen je s 28 glasova „za“ (iz Federacije BiH 21, iz Republike Srpske sedam), dva glasa „protiv“ i osam glasova „suzdržan“. U Istražnu komisiju imenovani su poslanici: Šemsudin Mehmedović, Predrag Kožul, Mensura Beganović, Nenad Lalić, Mirsad Mešić, Dušanka Majkić i Mirsad Isaković.

Prije prelaska na sljedeću tačku, predsjedavajući je predložio da se objedini rasprava o tačkama 22. do 25. uključujući i tačku 25., a da se glasa pojedinačno.

Prijedlog za objedinjavanje rasprave usvojen je s 30 glasova „za“ (iz Federacije BiH 21, iz Republike Srpske devet), bez glasova „protiv“ i devet glasova „suzdržan“.

22. – 25.

Predsjedavajući je dao uvodne napomene i otvorio raspravu.

U raspravi su učestvovali: Šefik Džaferović, Denis Bećirović, Nermina Kapetanović, Senad Šepić, Damir Arnaut i Mladen Bosić.

Šefik Džaferović predložio je da se odgodi izjašnjavanje o tački 24. Davanje saglasnosti za ratifikaciju Sporazuma između Vijeća ministara BiH i Kabineta ministara Ukrajine o saradnji u borbi protiv kriminala. Sporazum nije dobio pozitivno mišljenje Komisije za vanjske poslove, odnosno Komisija smatra da nisu ispunjeni prethodni uslovi da Dom dâ saglasnost za ratifikaciju.

Prijedlog je usvojen s 22 glasa „za“ (iz Federacije BiH 16, iz Republike Srpske šest), sedam glasova „protiv“ i deset glasova „suzdržan“.

Ad.22. Davanje saglasnosti za ratifikaciju Sporazuma o finansiranju programa posebnih mjera oporavka nakon poplava i upravljanje rizikom od poplava – dio koji se odnosi na Bosnu i Hercegovinu, broj: 01,02-05-2-1377/16, od 10.5.2016.

Dom je, s 37 glasa „za“ (iz Federacije BiH 25, iz Republike Srpske 12), bez glasova „protiv“ i jednim glasom „suzdržan“, dao saglasnost za ratifikaciju Sporazuma o finansiranju

programa posebnih mjera oporavka nakon poplava i upravljanje rizikom od poplava – dio koji se odnosi na Bosnu i Hercegovinu.

Ad.23. Davanje saglasnosti za ratifikaciju Ugovora o Centru za istraživanje i inovaciju Zapadnog Balkana – WISE, broj: 01,02-05-2-1419/16, od 16.5.2016.

Dom je jednoglasno, s 38 glasova „za“ (iz Federacije BiH 26, iz Republike Srpske 12), dao saglasnost za ratifikaciju Ugovora o Centru za istraživanje i inovaciju Zapadnog Balkana – WISE.

Ad.24. Davanje saglasnosti za ratifikaciju Sporazuma između Vijeća ministara BiH i Kabineta ministara Ukrajine o saradnji u borbi protiv kriminala, broj: 01,02-05-2-1420/16, od 16.5.2016.

Odgođeno je izjašnjavanje.

Ad.25. Davanje saglasnosti za ratifikaciju Sporazuma između Vijeća ministara BiH i Vlade Republike Austrije o naučnoj i tehnološkoj saradnji, broj: 01,02-05-2-1422/16, od 16.5.2016.

Dom je jednoglasno, s 38 glasova „za“ (iz Federacije BiH 26, iz Republike Srpske 12), dao saglasnost za ratifikaciju Sporazuma između Vijeća ministara BiH i Vlade Republike Austrije o naučnoj i tehnološkoj saradnji.

Sjednica je završena u 21, 55 sati.

Sastavni dio Zapisnika je transkript 30. sjednice Predstavničkog doma.

SEKRETAR
PREDSTAVNIČKOG DOMA
Marin Vukoja

PREDSJEDAVAJUĆI
PREDSTAVNIČKOG DOMA
Mladen Bosić

